



## Universitätsbibliothek Paderborn

**Pastorum Continens Doctrinas, & Industrias ad Pastorale  
Munus piè, fructuosè, ac securè obeundum pertinentes,  
Unà cum Casibus frequentiùs circa idem Officium  
occurrere solitis, & ex communiote ...**

**Lohner, Tobias**

**Dilingæ, 1678**

§. II. De qualitatibus extrinsecis ad Pastorem requisitis.

[urn:nbn:de:hbz:466:1-49267](http://urn.nbn.de/hbz:466:1-49267)

*De Pastore in Genere.*

§

R. primò. Si de Vicariis perpetuis substituendis est sermo, neutrum id posse, quia Titulus Vicariæ ad duos pertinere non potest, & præterea institutio perpetui Vicarij ad Episcopum spectat. R. secundò. Si de temporali Vicario ad breve duntaxat tempus sit sermo, omnino talem ex justa causa ab ijs constitui posse, etiam sine auctoritate & consensu Episcopi, ita, ut ipsi ad breve tempus totum suum officium & administrationem committant; si tamen ultra duos menses abesse cogantur à Parochia, debent licentiam ab Ordinario imprettare, & Vicarium idoneum ab eodem approbatum relinquere; quod etiam facere debent, si præsentes quidem sint in Parochia, sed ob infirmitatem præesse officio personaliter non possint, hóque impedimentum ultra tres menses duraturum credatur.

Qu. 8. *An sicut ad Vicarium pertinet cura actualis Parochialis Ecclesia quoad forum internum, ita etiam defensio luri parochialium, que ad forum contentiosum, fabricaque reparationem spectant, ipsi incumbere censenda sit?* R. negativè, sed hoc ad Rectorem principalem, saltem si majorem partem reddituum percipiat, spectare, cum & ipsa Parochia quoad proprietatem Rectoris principalis esse dicatur; secus sentendum fore, si de ipso jure Vicariatus retinendo vel recuperando ageretur; tunc enim, sicut quilibet alias Curatus vel Beneficiatus, potest agere pro juribus sui Beneficij, etiam sine mandato principalis Rectoris; imò in tali casu, si uterque agere velit, Vicarius debet præferri Rectori principali, cum sicut ipse fructus tanquam ususfructuarius participat, ita etiam ipsius principaliter intersit, pro jure hoc suo defendendo agere.

§. II.

*De Qualitatibus extrinsecis ad Pastorem  
requisitis.*

Qu. *Quot, & quanam qualitates extrinsecae ad Pastorem requirantur?* R. tres potissimum requiri, scilicet legitimam vocationem, institutionem, & estimationem, seu auctoritatem apud suos subditos.

A 3

MEM-

## MEMBRUM I.

*De Vocatione.*

**Qu. 1.** *Quid sit vocatione?* R<sub>2.</sub> vocationis nomine hoc i<sup>o</sup>nus aliud non intelligi, quām dispositionem providentia Divinæ, quæ pro suo beneplacito quosdam homines felicitate & segregat ad opus ministerij Divini, & curam animarum, ipsæque gratias & qualitates necessarias elargitur; ex qua quidem descriptione tria saluberrima planè corollaria deducere debent Pastores. Primum est, ut, cūm teste Concil. Trid. S. 23. c. 2. Divina res sit Sacerdotis sancti ministerium, nullus ad id nisi à D E O vocatus se intrudat: nam, ut recte Chirulus Joan. 15. ait: *Non vos me elegistis, sed ego elegi vos, & prior vos, ut eatis, & fructum afferatis.* & S. Paulo Hebr. 5. tells, *Nullus sumit sibi honorem, sed qui vocatur à D E O tanquam Aaron.* Certè ob hanc causam S. Augustinus Serm. 98. de temp. Core, Dathan, & Abiron hiatu terræ absorptos ait, ne quis præsumptione superbi spiritus non sibi datum à D E O Sacerdotij munus invaderet. Secundum est, ut magnificiant vocationem suam, summèque à D E O per illam honoratos existimant, cūm (teste S. Dionysio, de cœl. Hient.) *omnium divinorum divinissimum sit, cooperari D E O in salutem animarum,* idéoque per bona (id est, statui, ad quem vocati sunt, convenientia) opera certam suam vocationem & electionem facere studeant. 2. Pet. 1. Tertium est, ut magna de vocationis gratia spem & fiduciam concipient, certissim sibi persuadentes, quod, qui operatus est in ijs velle, operatus sit & perficere pro bona voluntate,

**Qu. 2.** *Ex quibus potissimum indiciis colligi possit legitima vocatione?* R<sub>2.</sub> ex tribus præcipue. Primò, ex insentione, si quis ad tale officium promoveri petiit, si scilicet non omni consequandi, aut beneficij alicujus captandi occasione, aut honoris, gloriæve intuitu, aut humano aliquo respectu ad id inductus, sed, ut vocanti D E O respondeat, suāmque & proximi salutem, gloriāmque Divinam promoveat, tale omnis se suscepisse advertat. Secundò, ex aptitudine propria, si scilicet juxta Christi consilium, Luc. c. 14. sedens comparet sumptus ad ædificandam turrim supradictæ perfectionis, & omnino sufficientes ad perficiendum, non suo duntaxat, sed illorum

### *De Vocatione Pastoris.*

7

illorum etiam, quibus conscientiam suam ditigendam, aut qualitatum suarum mensuram examinandam commisit, iudicio habere advertat. Tertiò, ex *Divina inspiratione*, si scilicet post continuas preces, quibus à D E O manifestationem suæ voluntatis circa statum eligendum humiliter & sincè petiit, constanter se ad hunc statum impelli, & post accuratum etiam ratiocinium, seu discussionem rationum tam pro assumendo, quam pro relinquendo hoc statu occurrentium, confirmari se in illa voluntate, vehementiusque impelli sentiat, atque ad hoc etiam ipsius Confessarij aut Directoris judicium & approbatio accedat.

Qu. 3. Quid faciendum sit illi Pastor, qui officio iam suscepit, ad id se non vocatum agnoscat; nec tamen, ut velit retrocedere amplius, statumque suum deserere potest? Rq. huic quoque tria præstanda esse. Primum est, ut seriò derectetur gravem suam temeritatem, ejusdēmque veniam etiam à DEO humiliter petat. Alterum est, ut accuratè inquirat, quis potissimum defectus aut obex dignam susceptionem impedit, & siquidem vitæ sanctitatem non præcessisse advertat, saltem ut sequatur, efficere studeat; si prava intentio fuit, in meliorem commutet; si defectus scientia, aut aliarum qualitatum necessiarum obstitit, has acquirere totis viribus studeat, atque ad hunc finem, partim ipse ardentem & continuam orationem adhibeat, partim aliorum etiam, præcipue Patronorum Cœlestium suffragium imploret. Tertium est, ut, si quod ex sua ineptitudine periculum invalidæ administratioñis sui officij imminentere judicat, aut omnino ad tempus à tali administratione abstineat; aut certè non nisi magna cum cautela & diligentia, adhibito etiam aliorum, si fieri potest, consilio & auxilio eam suscipiat.

### M E M B R U M II.

#### *De Institutione.*

Qu. 1. Quid sit institutione? Rq. per eam hoc loco intelligi concessione beneficii à legitimo Superiori factam, quæ quidem concessio duplici modo fieri potest. Primò liberè, id est, ut is, qui beneficium concedit, quemvis idoneum pro arbitrio eligere possit, & hæc in Jure Canonico propriè Collatio appellatur. Secundò non liberè, quando scilicet Superior idoneum

neum ab alio præsentatum approbare, cīque beneficium con-  
ferre debet; & hæc strictè sumpta Institutio in eodem ju-  
vocatur, quæ iterum dupli modo fieri potest. Primo; pe-  
solam concessionem Tituli, quod fit, quando litteræ confir-  
mationis expediuntur, & traduntur. Secundò, per Inven-  
turam, seu actualē & corporalem immissionem in Benefi-  
cium, sive verbis tantum investituram significantibus, &  
cum traditione rei alicujus, v. g. clavis aut birreti compre-  
hensione, sive re ipsâ per actualē introductionem ab Archidi-  
cōno, vel alio ejus loco factam.

**Qu. 2.** *A quo hæc institutio, vel collatio fieri debet?* R. Ordinariè eam ab Episcopo, Capitulo, aliisque Prælati consu-  
larem habentibus fieri debere; extraordinariè autem, ve  
ex mandato Legati de Latere, vel Rescripto Pontificis mu-  
dantis alicui provisionem de Beneficio fieri; inter quos tamen  
**Collatores** hoc discrimen reperitur, quod Episcopū solum  
vacantes, non autem vacaturas; Legatus solum vacatura,  
non vacantes; Pontifex utrasque, & quidem etiam sub condi-  
tione (quod priores duo non possunt) conferre queat, qui te-  
men ob concordata Germaniaæ non nisi alternis mensibus be-  
neficia conferre debet in Germania. In parochialibus veri  
Ecclesiis hoc speciale est, quod quomodo cumque alioqui re-  
servata sint per Ordinarios, si vacaverint, conferri queant, ne  
ipsorum diuturnior vacatio periculum animabus creet, quod  
quidem etiam sentiendum, si Parochiaæ aliquæ vivente qui-  
dem Pontifice vacaverint, sed is ante mortem suam nihil de-  
ijs disposuerit, ut in cap. si Apostol. 45. de præb. in 6. dicimur.

**Qu. 3.** *Qui sunt effectus huius institutionis?* R. duos po-  
tissimum. Primo, Jus quoddam in re, sive dominium utilæ  
fructus beneficii percipiendos, quo quidem privari non pos-  
sit, nisi ob grave delictum id mereatur. Secundò, jurisdictio  
in foro conscientiæ, non autem in foro externo, unde pars  
communi & ordinario neque dispensare in legibus, & præ-  
ceptis Ecclesiasticis (nisi ex consuetudine hoc illi interdum  
competat) neque in votis aut juramentis, nec excommunicati-  
re quemquam, aut aliā censurā ferire potest.

### M E M B R U M III.

#### *De Auctoritate.*

**Qu. 1.** *Quid sit Auctoritas?* R. esse estimationem, sive  
opinione.

opinionem magnam de alterius probitate , diligentia , ac doctrina conceptam ; dicitur autem opinio , quia contingere potest , ut interdum quis auctoritatem habeat ad tempus , etiam si dicitur qualitates , vel omnes , vel aliquæ saltem earum à parte rei non reperiantur , si scilicet Parochus quispiam necdum cognitus sit à suis Parochianis ; in tali enim casu tamdiu præsumitur bonus , prudens , & doctus , quamdiu contrarium non constat .

Qu. 2. Quare necessaria tantoperè sit hæc auctoritas Parochi : R. ob tres potissimum causas . Primò , qd DEI gloriam , & Ecclesiam amplificandam ; hic enim vel maximè Parochis applicari potest illud Christi saluberrimum monitū Matth . 5 . Sic luceat lux vestra ( id est , vita & functiones ) coram hominibus , ut videant opera vestra bona , & glorifcent Patrem vestrum , qui in celis est . Secundò , ad doctrinam commendandam : nam ut sapienter advertit Petrus Chrysologus s . 167 . Magisterii auctoritas constat ex vita : docenda faciens perficit Auditorem ; è contrario vero , cuius vita despiciatur , restat , ut etiam predicatione contempnatur , uti S. Bernardus s . 2 . de resurre . loquitur ; hinc rectè monet S. Laurentius Justinianus s . de conflictu interior . cap . 2 . Dabis vocitua vocem virtutis , si , quod suades , prius tibi illud cognoscari persuasisse : validior operis , quam oris vox est . fac , ut loqueris . id , quod S. Gregorius exemplo S. Basiliū pulchre confirmavit , dum de eodem dixit : Tonitru erat eius oratio , quia vita erat fulgur ; unius namque splendor , alterius incendium est . Tertiò , ad fructum faciendum , & virtutem installandam , id quod Concilium Tridentinum sequentibus verbis indicat : nihil est , quod alios magis ad pietatem & cultum assidue instruat , quam eorum vita & exemplum , qui se Divino ministerio dedicarunt ; cum enim à rebus saeculi in altiorem locum sublati conspicuntur , in eos tanquam speculum reliqui oculos coniiciunt , ex iisq ; sumunt , quod imitantur ; quapropter docet omnes vitam , morisque compondere , ut habitu , gestu , incessu , sermone , aliisque omnibus rebus nihil , nisi grave moderatum , ac religione plenum praeservant , levia etiam delicta , qua in ipsis maxima essent , effugiant , ut eorum actiones cunctis anteferant venerationem ; alioquin misera Sacerdotum conversatio fit misera plebis dominica subversio , ut S. Bern . loquitur ; rationem vero hujus efficaciam